

զորդիւնն և կիւնն ըմբռնեալ, և նոքա ցուցանեն զոճն (?) եւ փախչին ի յայրս տանն եւ ի խոր թագստի, եւ նա մնայ ի ձեռս նոցա որք չարչարեն թէ Զայլն ասա՝ ուրոյն ուրոյն: Եւ այլքն զինչս և զստացուածս բեռամբ կապեն եւ այլք որոնելով զտեղիսն՝ թէ այլ լիցի պահեալ, եւ այլք պահէին ի գրուեսն եւ ի գուրսն. եւ ի ձայնէ նոցա ելանեն Գ տաճիկ ի մի կողմանէ գեղին, որպէս զի միմեանց ձայն տացեն, եւ ի նետել թուփէնկին նոցա՝ յայս կոյս և յայն կոյս երթեալ դէպ ի Տաճկաց միոյն և անդէն մեռանի. և երկուսին յահիլեալ մտանեն ընդ տամբն իւրեանց, եւ նոքա զինչ որ ունէր էրէցն այն, զամենայն բեռ կապեալ եւ այլ զըստակն, քանզի ունէր բազում եւ կամէր եւս զի գնայր յերուսաղէմ ուխտիւք մեծաւ, և զամենեւեան ասէ նոցա եւ առնեն: Եւ այլ հարցանեն տանջելով մեծաւ՝ սաստիկ ի պարանոցն կոխիւք, եւ նա մեծաւ պառաջմամբ ասէ. Ա՛յ Մահմէտ, սակաւ ինչ զաղ ու հացն իմ կերել ես, եւ արդ մինչչեւ մեռեալ իցեմ թո՛ղ վասն Աստուծոյ, և այլ ոչ գոյ ինչ իմ, այդքան է զոր առիք ձեր: Եւ նոքա ի բանից նորա երկեան, զի ժամանակաւ մշակ լեալ են նորա, եւ ասացին. Եթէ մնասցէ ողջ՝ մատնեսցէ զմեզ ի դատ, և ոչ կարեմք համարձակ ի գաւառս շրջիլ, քանզի զիտաց ըզմեզ թէ ո՛յք եմք: Եւ անդէն սրով զնա խողխողեալ թաւալեն ի մէջ արեան եւ բարձեալ զամենայն ինչս նորա ի վերայ ձիոցն եւ ջորոցն զոր ընդ իւրեանս բերեալ էին, եւ երթան մեծաւ ուրախութեամբ եւ երգօք, եւ տան ահ զիւղիցն թէ Ահա՛ աւուրց ինչ ի վերայ այս ինչ տան գալոց եմք, այդպէս գիտասջիք: Եւ ի լուսանալ առաւօտուն ամենայն բնակիչք գեղոյն, քանզի ի գիշերս ի խղճէ՛) և յաղաղակէ երի-

1) խղճի.